



EXCMA. DEPUTACIÓN PROVINCIAL DE LUGO

ÁREA DE RÉXIME INTERIOR, PROMOCIÓN DO TERRITORIO E TURISMO (SERVIZO TURISMO)

Anuncio

BASES REGULADORAS E CONVOCATORIA DO PROGRAMA "COÑECE A TÚA PROVINCIA" (ANUALIDADE 2021)

A Deputación de Lugo, de conformidade co establecido no artigo 36 apartado d) da Lei Reguladora das Bases de Régime Local, asume competencias en materia de cooperación no fomento do desenvolvemento económico e social e na planificación no territorio provincial, sen prexuízo das competencias que neste ámbito correspondan ás demais Administracións Públicas. Asemade, de acordo co establecido no artigo 6º apartado a) da Lei 7/2011, de 27 de outubro, do Turismo de Galicia, as entidades locais de ámbito supramunicipal asumirán competencias no eido da promoción dos recursos turísticos e xeodestinos, segundo a definición contemplada no artigo 23.1, que se determinen dentro do seu ámbito territorial, en coordinación con todos os entes locais afectados e a Administración autonómica.

No marco das competencias sinaladas, co obxecto de dar cumprimento aos diversos obxectivos da Axenda 2030 das Nacións Unidas, e tamén co fin de paliar os efectos xerados pola pandemia da Covid 19 no tecido produtivo da provincia de Lugo, a Deputación de Lugo leva desenvolvendo diversas políticas e accións. Co compromiso de continuar loitando contra os efectos da crise sanitaria, en febreiro de 2021 presentouse o Plan de impulso da economía da provincia de Lugo. Neste plan inclúese un decálogo con dez medidas de apoio directo, de promoción e de incentivo do consumo coas que se pretende contribuír a manter e recuperar os sectores económicos máis afectados polas restriccións sanitarias, sobre todo a hostalería, o turismo e o comercio local. Dentro destas medidas atópase o programa "COÑECE A TÚA PROVINCIA", que ten como obxectivos esenciais:

- Contribuír á reactivación da hostalería e do turismo provincial para axudar a paliar os efectos adversos provocados pola pandemia da Covid 19, favorecendo a creación e mantemento do emprego directo e indirecto.
- Apoiar e dar visibilidade tanto aos diferentes destinos como aos establecementos e profesionais que forman parte da cadea de valor do sector do turismo e da hostalería na provincia de Lugo.
- Contribuír á recuperación da confianza da demanda turística e á promoción da provincia de Lugo como destino seguro.
- Servir como instrumento de sensibilización das veciñas e veciños sobre o potencial turístico dos 67 concellos da provincia de Lugo e da importancia da preservación do seu legado natural e cultural como elemento que contribúa ao desenvolvemento sostible no eido económico, social e medioambiental.
- No marco da Axenda 2030 (meta 8.9), impulsar un turismo sostible, que cree postos de traballo e promova a cultura e os produtos locais.

Con estes obxectivos, a Deputación de Lugo, a través da Área de Régime Interior, Promoción do Territorio e Turismo, convoca a primeira edición deste programa, dirixido a entidades sen ánimo de lucro da provincia de Lugo, a cuxa disposición se pon un catálogo de 37 itinerarios que abordan os 67 concellos da provincia.

BASES

Primeira: obxecto

O obxecto destas bases é a regulación da concesión, en régime de concorrencia non competitiva, de excursións dentro da provincia de Lugo no marco do programa "COÑECE A TÚA PROVINCIA" (anualidade 2021).

Segunda: destinatarios

Poderán participar neste programa todas as entidades sen ánimo de lucro legalmente constituídas con sede na provincia de Lugo.

Na anualidade 2021 ofertaranse un máximo de 1242 prazas.

Terceira: lugar e prazo de presentación das solicitudes

3.1 As solicitudes dirixiranse ao Presidente da Deputación de Lugo e presentaranse a través da sede electrónica da Deputación <https://sede.deputacionlugo.org/opencms/opencms/sede>, apartado “trámites xerais”, no espazo habilitado para o programa “COÑECE A TÚA PROVINCIA”. Alternativamente, as solicitudes (de acordo co modelo que figura no Anexo I destas bases), tamén poderán presentarse no Rexistro Xeral da Deputación de Lugo, onde se realizará a comprobación dos datos identificativos da persoa física ou xurídica a efectos do seu rexistro electrónico.

3.2 O prazo de presentación de solicitudes será de 30 días naturais contados a partir do día seguinte da publicación desta convocatoria no Boletín Oficial da Provincia de Lugo. As solicitudes presentadas fóra do prazo indicado serán desestimadas.

3.3 Cada entidade interesada poderá presentar como máximo unha solicitude por convocatoria. No caso de que presenten más dunha solicitude, só se terá en conta a rexistrada en primeiro lugar.

3.4 No caso de que a solicitude non reúna os datos esixidos nestas bases, o órgano instrutor requirirá á entidade interesada que emende as faltas ou presente a documentación complementaria que corresponda no prazo de 10 días hábiles, indicándolle que, de non facelo, se terá por desistida a petición, previa resolución que se ditará de conformidade co establecido na Lei 39/2015, de 1 de outubro, do Procedemento Administrativo común das Administracións Públicas.

Cuarta: documentación a presentar coa solicitude

As entidades interesadas deberán achegar, xunto coa solicitude, unha copia do NIF.

Quinta: notificacións

5.1 As notificacións de resolución e doutros actos administrativos practicaranse por medios electrónicos nos termos previstos na normativa reguladora do procedemento administrativo común cando as solicitudes se realizasen a través da sede electrónica da Deputación de Lugo. No caso de que as solicitudes se teñan presentado no Rexistro Xeral da Deputación, as notificacións practicaranse polo medio indicado na solicitude.

5.2 A notificación electrónica entenderase practicada no momento no que se produza o acceso ao seu contido e entenderase rexeitada cando transcorran 10 días naturais desde que a notificación se poña á disposición da entidade interesada sen que se acceda a esta no prazo indicado.

5.3 O sistema remitiralles ás entidades interesadas avisos da posta a disposición das notificacións á conta de correo electrónico indicada na solicitude. Estes avisos non terán efectos de notificación practicada e a súa falta non impedirá que a notificación se considere válida.

Sexta: instrución e criterios de adxudicación das excursións.

6.1 A instrución do procedemento corresponderá á Deputada Delegada de Réxime Interior, Promoción do Territorio e Turismo (Servizo de Turismo), sendo o órgano competente para a aprobación da listaxe de entidades admitidas e excluídas ou en agarda -de ser o caso-, a Xunta de Goberno, que resolverá no prazo máximo de 2 meses.

6.2 A orde de prelación da listaxe de entidades admitidas establecerase conforme á orde de presentación das solicitudes segundo o nº de rexistro de entrada ata esgotar as prazas dispoñibles. Para o reconto das prazas asignadas tomarase como referencia o número máximo de participantes que indique cada entidade na súa solicitude.

6.3 No caso de cubrirse as 1242 prazas en primeira convocatoria, elaborarase -de ser procedente-unha listaxe de agarda coas restantes solicitudes por orde de entrada no rexistro. De ser posible dende o punto de vista organizativo, poderán terse en conta estas solicitudes no caso de que algunha das entidades seleccionadas renunciase á súa participación no programa ou no caso de que chegassen a quedar prazas vacantes durante a execución do programa para formar grupo, tomando como referencia o número de prazas mínimo e máximo indicado nestas bases.

6.4 No suposto de que as prazas non se cubran en primeira convocatoria, de ser posible dende o punto de vista organizativo, a Deputación de Lugo resérvase o dereito de abrir un novo prazo de inscrición ou para ampliar a convocatoria inicial co obxecto de que as entidades que resultasen beneficiarias dentro do primeiro prazo poidan solicitar unha segunda excursión.

Séptima: Publicacións

A relación das entidades admitidas e excluídas, así como a listaxe de agarda, no seu caso, será obxecto de publicación no Boletín Oficial da Provincia de Lugo, de acordo co establecido no artigo 45 da lei 39/2015, de 1 de outubro, do Procedemento Administrativo Común das Administracións Públicas.

Sen prexuízo da publicación da listaxe de solicitudes no Boletín Oficial da Provincia, o Servizo de Turismo contactará directamente coa persoa representante de cada entidade cuxa solicitude fose aprobada para informar desta circunstancia. O contacto realizarase coas diferentes entidades por orde de admisión co fin de asignar unha data e itinerario para a excursión, especificando os horarios aproximados entre os que se desenvolverá.

Oitava: Condicóns do programa

8.1 Servizos incluídos: a excursión concedida a cada entidade beneficiaria do programa “COÑECE A TÚA PROVINCIA” incluirá o transporte para os traslados de ida e volta dende o lugar ou lugares de orixe, póliza de seguros de viaxeiros, menú de xantar e entradas e visitas a diferentes lugares de interese da provincia de Lugo. Con cada grupo participante irá en todo momento un guía acompañante, sendo as visitas realizadas por profesionais que contan coa habilitación de guía oficial de turismo de Galicia e polo persoal encargado de atención ao público nos diferentes museos, empresas ou obradoiros sinalados nos itinerarios do programa.

8.2 A participación no programa “COÑECE A TÚA PROVINCIA” (anualidade 2021) terá carácter gratuito para as entidades beneficiarias.

8.3 Número de participantes: En cada excursión poderán participar un máximo de 23 persoas (ou ben un número máximo inferior se así o require a normativa sanitaria de aplicación) e un mínimo de 11. De non acadarse o mínimo de 11 persoas para formar grupo, a viaxe será anulada.

8.4 Calendario de execución: as excursións concedidas no marco da edición 2021 do programa “COÑECE A TÚA PROVINCIA” terán lugar entre os meses de setembro e novembro, en días laborables (entre os luns e os venres agás festivos). En todo caso, o Servizo de Turismo da Deputación de Lugo determinará os días concretos nos que finalmente se realizarán as excursións. As entidades interesadas sinalarán na solicitude as semanas de preferencia para realizar a viaxe correspondente indicando un mínimo de tres opcións e un máximo de cinco, dentro das seguintes posibilidades:

- PRIMEIRA SEMANA: entre o 13 e o 17 de setembro.
- SEGUNDA SEMANA: entre o 20 e o 24 de setembro.
- TERCEIRA SEMANA: entre o 27 de setembro e o 1 de outubro.
- CUARTA SEMANA: entre o 4 e o 8 de outubro.
- QUINTA SEMANA: entre o 11 e o 15 de outubro.
- SEXTA SEMANA: entre o 18 e o 22 de outubro.
- SÉPTIMA SEMANA: entre o 25 e o 29 de outubro.
- OITAVA SEMANA: entre o 2 e o 5 de novembro.
- NOVENA SEMANA: entre o 8 e o 12 de novembro.

En todo caso, o sinalado respecto das datas de preferencia polas entidades interesadas terá carácter orientativo, pero non será vinculante para a Deputación de Lugo. De non ser posible asignar unha data das sinaladas como preferentes para a realización da viaxe dentro dos períodos de preferencia indicados nas solicitudes, o Servizo de Turismo ofrecerá outras opcións alternativas se hai disponibilidade.

8.5 Visitas: os itinerarios do programa “COÑECE A TÚA PROVINCIA” son os especificados no catálogo dispoñible no anexo III destas bases, na sede electrónica da Deputación de Lugo e no apartado informativo correspondente ao programa que consta na web turismo.deputacionlugo.gal. En todo caso, a excursión asignada a cada entidade beneficiaria iniciarase obligatoriamente nun centro ou dependencia da Deputación de Lugo, seguida das visitas incluídas nun dos 37 itinerarios elaborados para este programa. As entidades interesadas indicarán nas súas solicitudes un mínimo de tres centros ou dependencias da Deputación e un mínimo de tres e un máximo de cinco itinerarios de preferencia para realizar a viaxe correspondente no marco do programa. Para obter información más detallada sobre cada itinerario, as entidades interesadas poderán dirixirse ao Servizo de Turismo da Deputación de Lugo a través dalgún dos medios establecidos na base décimo primeira.

A Deputación de Lugo resérvase o dereito de poder cambiar algúns dos lugares de visita incluídos nos itinerarios durante a execución do programa. Estes cambios serán en todo caso comunicados por correo electrónico á persoa representante da entidade beneficiaria á que afectase o cambio realizado.

Respecto ás visita a centros e dependencias da Deputación e aos itinerarios o sinalados polas entidades como preferentes nas súas solicitudes, terán carácter orientativo e non serán vinculantes para a Deputación de Lugo. A tal efecto, o Servizo de Turismo resérvase o dereito de propor outros itinerarios alternativos cando concorran razóns que impidan asignar calquera dos indicados na solicitude.

8.6 Xantar: o menú de xantar incluirá un primeiro prato (a escoller entre dúas opcións), un segundo prato (a escoller entre dúas opcións), sobremesa (a escoller entre dúas opcións, sendo unha delas froita), pan, as bebidas indicadas en cada excursión e café ou infusión. Os participantes terán acceso á información sobre as opcións de menú e sobre o restaurante no que terá lugar o servizo de xantar o día da viaxe. No caso de que algúns dos participantes padeza algún tipo de intolerancia alimentaria, informarase desta circunstancia ao Servizo de Turismo da Deputación de Lugo como máximo a semana anterior á realización da excursión, co fin de poder adaptar o menú para a persoa ou persoas que o precisen.

8.7 Paradas para a recollida dos participantes: estableceranse un máximo de tres paradas en orixe para a recollida das persoas participantes. Ditas paradas determinaranse de forma definitiva a semana anterior á viaxe. As paradas deberán estar situadas en zonas amplas e de fácil acceso e manobra para o transporte.

As paradas poderanse situar dentro dun mesmo municipio, en municipios xeograficamente limítrofes entre si, ou ben en municipios non limítrofes coa condición de que tomado como referencia a parada máis afastada do primeiro lugar de visita da xornada, as restantes queden dentro do percorrido directo a realizar polo transporte ata a chegada ao centro ou dependencia da Deputación de Lugo que abrirá o programa de cada viaxe. Esta circunstancia deberá ser en todo caso valorada polo Servizo de Turismo, reservándose o dereito de non autorizar esta modalidade de paradas en función do desvío que impliquen con relación á ruta principal.

As horas definitivas de recollida dos participantes en orixe serán confirmadas polo Servizo de Turismo da Deputación de Lugo á persoa representante da entidade beneficiaria como máximo a semana anterior á viaxe.

8.8 Pessoas con mobilidade reducida e outras diversidades funcionais: no caso de que os integrantes dalgúnha entidade interesada no programa presenten condicións de mobilidade reducida e usesn cadeiras de rodas, deberán facer constar esta circunstancia na solicitude de participación, co fin de poder adaptar os diferentes servizos e visitas. En todo caso, as persoas que presenten diversidades funcionais deberán ir acompañadas en todo momento por persoal de asistencia cando o precisen.

8.9 Menores de idade: no caso de participar menores de idade nalgúnha das excursións, estes deberán ir acompañados en todo momento por adultos, que serán os responsables da súa vixilancia e seguridade. Requirirse como mínimo un adulto por cada dez menores ou fracción. A persoa representante de cada entidade participante será responsable de recabar as oportunas autorizacións dos pais/nais ou representantes legais das persoas menores de idade para a súa participación na excursión, entregándolas ao Servizo de Turismo da Deputación de Lugo a semana anterior á viaxe.

8.10 Realización e difusión de fotografías e vídeos: durante o desenvolvemento das excursións, o persoal de acompañamento tomará fotografías ou realizará gravacións. A Deputación de Lugo resérvase o dereito de difundir por calquera medio estas imaxes. No caso de que formen parte do grupo menores de idade, a persoa representante de cada entidade participante será responsable de recabar as oportunas autorizacións dos pais/nais ou representantes legais das persoas menores de idade, entregándolas ao Servizo de Turismo da Deputación de Lugo a semana anterior á viaxe.

8.11 Penalizacións: no caso de que as entidades beneficiarias cancelen a viaxe o mesmo día da excursión sen causa xustificada de forza maior, ou no caso de que nesa mesma data se produza un número de baixas superior a un terzo do número de participantes confirmado a semana anterior á viaxe (sempr co límite de 11 persoas para poder realizar a excursión) e tamén sen causa xustificada de forza maior, perderán o dereito a participar tanto na presente como na seguinte edición do programa “*COÑECE A TÚA PROVINCIA*”.

Novena: Obrigas das entidades e persoas participantes

9.1 Cada entidade beneficiaria designará unha persoa representante que se encargará das comunicacóns co Servizo de Turismo da Deputación de Lugo.

9.2 Cada entidade encargarase de organizar os participantes e de informar aos membros do colectivo sobre a posibilidade de participar na excursión na forma en que mellor conveña para a súa organización. En todo caso, unha semana antes da excursión, a persoa que actúe en representación da entidade beneficiaria no marco do programa proporcionará ao Servizo de Turismo da Deputación de Lugo a través do enderezo de correo electrónico atuaprovincia@deputacionlugo.org o dato relativo ao número de persoas que participarán na viaxe correspondente (que non poderá superar o máximo sinalado na solicitude nin ser inferior a 11), así como os seus nomes, apelidos e nº de DNI.

9.3 O día da excursión, ao remate da xornada, a persoa designada como interlocutora ante a Deputación ou como representante da entidade ou aquela na que delegue (comunicando antes do día da excursión esta circunstancia ao Servizo de Turismo a través do correo electrónico), deberá asinar unha declaración responsable de participación na que constará o seu nome e nº de DNI, denominación e NIF da entidade e o número de persoas que participaron no programa na data correspondente. O documento será proporcionado pola persoa que exerza como guía acompañante.

9.4 Medidas Covid 19: as persoas participantes nas excursións deberán empregar a máscara durante toda a xornada, agás no momento de consumo de alimentos e bebidas. Exceptúanse desta obriga as persoas que se atopen exentas polas autoridades sanitarias. Non obstante, esta obriga quedará suxeita a revisión conforme a evolución da pandemia e os cambios que puideran establecerse na normativa sanitaria de aplicación vixente en cada momento. Igualmente, as persoas participantes no programa quedan obrigadas a respectar as medidas e recomendacións de carácter hixiénico-sanitario que se establezan en cada un dos lugares de visita.

9.5 Dado o carácter gratuíto no programa “*COÑECE A TÚA PROVINCIA*” (anualidade 2021), as entidades beneficiarias non poderán cobrar un prezo ás persoas participantes pola asistencia ás excursións.

9.6 O gasto ou consumo realizado a maiores dos servizos incluídos nas excursións do programa correrá por conta dos participantes.

9.7 A solicitude de participación no programa “*COÑECE A TÚA PROVINCIA*” implica a aceptación directa destas bases e da participación no programa, no caso de resultar beneficiario.

9.8 Renuncia: no caso de que a entidade beneficiaria decida renunciar ao programa ou non reúna a cantidade mínima de participantes esixida, deberá presentar por rexistro cuberto e asinado o modelo de renuncia que figura no Anexo II destas bases reguladoras no prazo máximo de dez días antes antes da excursión. No caso de que a renuncia se produza nun prazo inferior ao indicado, a entidade perderá o dereito de participar na seguinte edición do programa, agás que a renuncia sexa debida a causas de forza maior xustificadas.

9.9 As persoas que ostenten a representación das entidades interesadas neste programa serán responsables da veracidade dos datos que figuran na solicitude de participación.

Décima: Orzamento do programa

A contía consignada para a primeira fase do programa correspondente á anualidade 2021 ascende a un total de 89.755,61 euros con cargo á aplicación orzamentaria 4320.22799. A Deputación de Lugo non garante a ocupación dun número mínimo de prazas, xa que a cantidade final resultante dependerá do número de entidades e persoas que finalmente participen no programa.

A contía do programa será financiada integralmente pola Deputación de Lugo.

Décimo primeira: Consultas e comunicación

As entidades interesadas no programa poderán formular as súas consultas ao Servizo de Turismo da Deputación de Lugo a través do enderezo de correo electrónico atuprovincia@deputacionlugo.org ou nos teléfonos 982260234/982260011/982260219, de luns a venres de 9:00 a 14:30 horas. Igualmente, calquera anomalía que se advirta sobre o bo desenvolvemento do programa deberá comunicarse igualmente ao Servizo de Turismo no enderezo de correo electrónico indicado.

Décimo segunda: Protección de datos

Os datos de carácter persoal que consten na solicitude serán tratados pola Deputación de Lugo e incorporados á actividade de tratamiento “Xestión do programa Coñece a túa provincia”, cuxa finalidade é a tramitación das solicitudes e comunicacións relativas a dito programa. A lexitimación desta finalidade está baseada no cumprimento dunha misión realizada no interese público ou no exercicio de poderes públicos conferidos ao responsable do tratamento.

Non está prevista a cesión de datos a terceiros.

Os datos persoais proporcionados conservaranse durante o tempo necesario para cumplir coa finalidade para a que se recabaron e para determinar as posibles responsabilidades que se puideran derivar de dita finalidade e do tratamento dos datos. Será de aplicación o disposto na normativa de arquivos e documentación.

Para solicitar o acceso, a rectificación, supresión ou limitación do tratamiento de datos persoais ou para oponerse ao tratamiento, no caso de que se den os requisitos establecidos no Regulamento Xeral de Protección de Datos, así como na Lei Orgánica 3/2018, de 5 de decembro, de Protección de Datos Persoais e garantía dos dereitos dixitais, pode dirixir un escrito ao responsable do tratamiento, neste caso, a Deputación de Lugo, dirixindo o mesmo á Deputación de Lugo (Pazo San Marcos), Rúa San Marcos, 8 – 27001 Lugo ou na sede electrónica da Deputación de Lugo (<https://sede.deputacionlugo.org>).

Datos de contacto do DPD: dpd@deputacionlugo.org

A información adicional relativa á protección de datos pode consultarse na seguinte ligazón:

http://deputacionlugo.gal/rexistro_actividades_tratamento/conhece_a_tua_provincia

Décimo terceira: Outra normativa de aplicación:

O programa “*COÑECE A TÚA PROVINCIA*” rexerase, no non regulado expresamente nestas bases, pola seguinte normativa:

- Pola Lei 39/2015, de 1 de outubro, do Procedemento Administrativo Común das Administracións Públicas.
- Pola Lei 7/1985, de 2 de abril, reguladora das bases de Réxime Local.
- Pola Lei 29/1998, de 13 de xullo, reguladora da xurisdición contencioso- administrativa.
- Pola Lei orgánica 3/2018, de 5 de decembro, de protección de datos persoais e garantía dos dereitos dixitais.
- Polo Regulamento (UE) 2016/679 do Parlamento europeo e do Consello de 27 de abril de 2016, relativo á protección das persoas físicas no que respecta ao tratamento de datos persoais e á libre circulación destes datos e polo que se derroga a Directiva 95/46/CE (Regulamento xeral de protección de datos).

ANEXO I: FORMULARIO DE SOLICITUDE**DATOS DA ENTIDADE*:**

NOME:	NIF:
ENDEREZO/LOCALIDADE:	C.P.:
MUNICIPIO:	TELÉFONO*:
E-MAIL*:	

DATOS DA PERSOA REPRESENTANTE LEGAL E INTERLOCUTORA ANTE A DEPUTACIÓN DE LUGO:

NOME E APELIDOS:	D.N.I.:
CARGO NA ENTIDADE:	
E-MAIL:	TELÉFONO:

*As comunicacións por parte do Servizo de Turismo da Deputación de Lugo realizaranse tomando como referencia os datos da entidade.

Medio de notificacións:

- Correo ordinario
- Telemático

Solicita:

A concesión dunha excursión no marco do programa “COÑECE A TÚA PROVINCIA”, para un máximo de _____ persoas. (O número mínimo de participantes será de 11 e o máximo de 23, de acordo coa base 8.3).

As datas orientativas de preferencia aproximadas para a realización da excursión son: (sinale un mínimo de 3 e un máximo de 5 de acordo coa base 8.4):

Os itinerarios de preferencia para a participación no programa “COÑECE A TÚA PROVINCIA” na excursión solicitada son:

1ª VISITA A CENTRO OU DEPENDENCIA DA DEPUTACIÓN DE LUGO: (sinale un mínimo de 3 opcións de acordo coa base 8.5)

- _____ Pazo de San Marcos.
_____ Antigo Fogar de Santa María
_____ Produtora de audiovisuais.
_____ Granxa Gayoso Castro.
_____ Centro de Interpretación Terras do Miño.
_____ Mazo de Santa Comba.

ITINERARIO (Indique un mínimo de 3 e un máximo de 5 opcións. Sinale o nº de itinerario de acordo co catálogo publicado no Anexo III, na sede electrónica e na web turismo.deputacionlugo.gal).

Asistirán menores de idade:

___SI ___ NON

OBSERVACIÓN(S) (indicar no caso de que asistan persoas con intolerancias alimentarias e/ou persoas con mobilidade reducida en cadeiras de rodas ou que presenten diversidades funcionais que requiran transporte adaptado para a súa valoración por parte do Servizo de Turismo da Deputación de Lugo):

Declaro baixo a miña responsabilidade:

- Que os datos que figuran nesta solicitude son certos.
- Que coñezo as bases da convocatoria, en especial as condicións do programa (base oitava) e as obrigas que nelas se inclúen para entidades e persoas participantes (base novena).

PROTECCIÓN DE DATOS:

Responsable do tratamento	Deputación de Lugo. Servizo de Turismo
Finalidade	Tramitación das solicitudes e comunicacións relativas ao programa “COÑECE A TÚA PROVINCIA”
Lexitimación	Tratamento necesario para o cumprimento dunha misión realizada no interese público ou no exercicio de poderes públicos conferidos ao responsable do tratamento
Destinatarios	Non previstos
Exercicio de derechos	Acceso, rectificación, supresión, oposición, limitación do tratamento e, no seu caso, oposición e portabilidade dos datos
Procedencia	O propio interesado ou o seu representante legal

Para información adicional relativa á protección dos seus datos, por favor, consulte o enlace web seguinte:

http://deputacionlugo.gal/rexistro_actividades_tratamento/conhece_a_tua_provincia

(Sinatura)

ILMO. SR. PRESIDENTE DA EXCMA. DEPUTACIÓN DE LUGO

ANEXO II**FORMULARIO DE RENUNCIA****DATOS DA PERSOA REPRESENTANTE LEGAL DA ENTIDADE E INTERLOCUTORA ANTE A DEPUTACIÓN DE LUGO:**

1. NOME E APELIDOS:	2. D.N.I.:
3. DENOMINACIÓN DA ENTIDADE:	
4. N.I.F.:	5. CARGO NA ENTIDADE:
6. E-MAIL:	
7. TELÉFONO:	

Renuncio:

Á excursión concedida dentro do programa “*COÑECE A TÚA PROVINCIA*” para o día ___ do mes de _____ de 2021.

En _____, a _____ de _____ de 2021

(Sinatura)

ILMO. SR. PRESIDENTE DA EXCMA. DEPUTACIÓN DE LUGO

ANEXO III: CATÁLOGO DE RUTAS

UNHA VISITA INICIAL AOS SERVIZOS E DEPENDENCIAS DA DEPUTACIÓN A ESCOLLER ENTRE:

Pazo de San Marcos.

Antigo Fogar de Santa María

Produtora de audiovisuais.

Granxa Gayoso Castro.

Centro de Interpretación Terras do Miño.

Mazo de Santa Comba.

UN ITINERARIO A ESCOLLER ENTRE:

A MARIÑA

RUTA 1 (O VICEDO E VIVEIRO): Visita ao Fuciño do Porco e á praia de Abrela (O Vicedo). Visita á área etnográfica da Insua, praia de Covas (Viveiro) e á fervenza do Xestosa (Ourol).

RUTA 2 (XOVE E VIVEIRO): Visita ao faro de Punta Roncadoira (Xove). Visita aos eucaliptos de Chavín e ao casco histórico de Viveiro.

RUTA 3 (CERVO): Visita á fábrica de Sargadelos, ao paseo dos Namorados e á vila de San Cibrao: praia do Torno, carpintería de ribeira e Museo do Mar (Cervo).

RUTA 4 (BURELA E FOZ): Visita ao porto pesqueiro e ao barco-museo boniteiro Reina del Carmen. Visita á vila de Foz (percorrido dende a praza Conde de Fontao á Rapadoira) e á basílica de San Martiño.

RUTA 5 (BARREIROS E RIBADEO): Percorrido a pé polo paseo marítimo Barreiros, visita á praia das Catedrais e Rinlo. Visita ao casco histórico de Ribadeo.

RUTA 6 (LOURENZÁ E MONDOÑEDO): Visita á igrexa parroquial do Mosteiro de Lourenzá, centro de interpretación da faba e cooperativa Terras da Mariña. Visita ao casco histórico de Mondoñedo.

RUTA 7 (O VALADOURO E ALFOZ): Visita ao Pozo da Onza (O Valadouro) e Ferreira do Valadouro. Visita ao castelo de Castrodouro e á Finca Galea (Alfoz).

RUTA 8 (TRABADA, A PONTENOVA E RIOTORTO): Visita a área recreativa da Choza (Trabada). Visita aos fornos da Pontenova e ao museo da pesca. Visita ao mazo da fraga en Ferreiravella (Riotorto).

RIBEIRA SACRA LUCENSE

RUTA 9 (MONFORTE): Visita ao Pazo de Tor, visita ao casco histórico de Monforte de Lemos, explicación do Colexio do Cardeal e visita ao Centro do Viño da Ribeira Sacra.

RUTA 10 (SOBER, MONFORTE): Visita á rectoral de Gundivós, visita á igrexa románica de San Xiao de Lobios e percorrido en catamarán polo Canón do Sil (catamarán da Deputación de Lugo).

RUTA 11 (SOBER, MONFORTE): Visita a unha adega na subzona de Amandi, visita a un miradoiro sobre o Canón do Sil e percorrido en catamarán polo Canón do Sil (catamarán da Deputación de Lugo).

RUTA 12 (O SAVIÑAO): Visita ao Ecomuseo de Arxeriz, miradoiro do Cabo do Mundo e percorrido en catamarán polo Miño dende Belesar pobo (catamarán da Deputación de Lugo-suxeto a disponibilidade de datas). No caso de non estar disponible o catamarán, visitarase a igrexa de San Paio de Diomondi, realizarase a ruta dos codos de Belesar e visitarase unha adega.

RUTA 13 (TABOADA, CHANTADA): Visita á igrexa de Taboada dos Freires e área recreativa de Ponte Mourulle (Taboada), visita ao casco histórico de Chantada, convento de San Salvador de Asma e visita a unha adega.

RUTA 14 (PANTÓN, CARBALLEDO): Visita ao convento do Divino Salvador de Ferreira de Pantón, igrexa de San Miguel de Eiré, pobo dos Peares (Pantón/ Carballedo), igrexa de San Xoan da Cova (Carballedo) e visita a unha adega.

RUTA 15 (PARADELA, PORTOMARÍN): Visita á igrexa de San Facundo de Ribas de Miño e miradoiro/embarcadero do Miño (Paradela). Visita á vila de Portomarín e os seus monumentos. Visita ao castro de Castromaior.

RUTA 16 (BÓVEDA, A POBRA DO BROLLÓN): Visita á ferrería de Penacoba (Bóveda), adegas de Vilachá e castro de San Lourenzo (A Pobra do Brollón).

RUTA 17 (RIBAS DE SIL, QUIROGA): Visita ao miradoiro de Louxoá e á igrexa de Torbeo (Ribas de Sil). Visita ao museo etnográfico de Quiroga e túnel romano Montefurado.

RUTA 18 (QUIROGA): Visita ao Museo Xeolóxico de Quiroga e miradoiro xeolóxico de Campodola. Visita a unha adega e ao Castelo de Torrenovaes.

O COUREL, ANCARES, TERRAS DE BURÓN E CAMIÑO FRANCÉS NA COMARCA DE SARRIA

RUTA 19 (O COUREL): Visita á aula da Natureza de Moreda e bosque da devesa da Rogueira (contorna da aula), visita ao castro da Torre e á aldea de Seceda (Folgoso do Courel)

RUTA 20 (CERVANTES, NAVIA DE SUARNA): Visita á aldea de Piornedo (Cervantes). Visita á localidade de Navia de Suarna.

RUTA 21 (BECERREÁ, AS NOGAIS, CERVANTES): Convento de Penamaior e Ponte de Gatín (Becerreá), Torre de Doncos (As Nogais) e castelo de Doiras (Cervantes).

RUTA 22 (O INCIO): Visita ao encoro de Vilasouto (ruta circular a pé), visita á igrexa de San Pedro Fiz de Hospital, aldea de Ferrería e monumento ao mamut (O Incio).

RUTA 23 (BALEIRA, RIBEIRA DE PIQUÍN): Visita ás áreas recreativas de Fonteo e Cortevella (Baleira), visita á área recreativa do Chao do Pousadoiro, miradoiro de San Xurxo e fervenza da Pena dos Portelos (Ribeira de Piquín).

RUTA 24 (A FONSAGRADA, NEGUEIRA DE MUÑIZ): Visita á seimeira de Vilagocende, Museo Comarcal (A Fonsagrada) e visita a unha adega (Negueira de Muñiz).

RUTA 25 (PEDRAFITA DO CEBREIRO, TRIACASTELA): Visita á aldea do Cebreiro (santuário e palloza- museo), percorrido polo Camiño Francés ata o primeiro hito (2 km) e visita á localidade de Triacastela.

RUTA 26 (SAMOS E SARRIA): Visita ao Mosteiro de Samos, capela do Ciprés e casco histórico de Sarria.

LUGO, A ULLOA E A TERRA CHÁ

RUTA 27 (LUGO): muralla e casco histórico de Lugo, Museo Provincial, capela do Carme, sala Porta Miñá, ponte romana, termas romanas.

RUTA 28 (MEIRA, CASTRO DE REI E A PASTORIZA): Visita ao castro e museo de Viladonga (Castro de Rei), Pedregal de Irimia, Igrexa de Santa María (Meira) e lagoa de Fonmiñá (A Pastoriza).

RUTA 29 (COSPEITO, VILALBA): Visita á lagoa de Cospeito e museo das aves, casco histórico de Vilalba e Museo Arqueolóxico e da Prehistoria.

RUTA 30 (GUITIRIZ, FRIOL): Visita á ponte e igrexa de San Alberte, fonte de Pardiñas e visita a unha panificadora (Guitiriz), visita ao Museo de San Paio de Narla e paseo fluvial (Friol).

RUTA 31 (BEGONTE, RÁBADE, OUTEIRO DE REI): Visita á lagoa de Riocaldo (Begonte), ponte vella e contorna do Miño -Insuas do Miño- (Rábade), demostración de olaría de Bonxe e visita a Penas de Rodas (Outeiro de Rei).

RUTA 32 (ABADÍN, A PASTORIZA, POL): Igrexa de Santa María (Abadín), museo etnográfico- pedagógico Villapol (A Pastoriza), muíño do Pacio e área recreativa do Azúmara (Pol).

RUTA 33 (XERMADE, MURAS): Visita ao cristo enxoito, explicación da escola habanera de Roupar, visita parque eólico experimental de Sotavento (Xermade) e visita á igrexa de Santa María de Viveiró (Muras).

RUTA 34 (O CORGO, LÁNCARA, O PÁRAMO): Vista do pazo de Adai (O Corgo), ponte de Carracedo e vista exterior do Pazo de Láncara, campo da feira de Vilarmosteiro e visita á igrexa de San Xoan de Friolfe (O Páramo).

RUTA 35 (BARALLA, CASTROVERDE): Visita á igrexa de Berselos (Baralla), visita ao convento de Vilabade e torre-fortaleza (Castroverde), breve incursión polo Camiño Primitivo ata a igrexa de Soutomerille (Castroverde).

RUTA 36 (GUNTÍN, PALAS DE REI): Visita á igrexa do mosteiro de Ferreira de Pallares e ponte cabalar (Guntín), Visita á igrexa de Vilar de Donas e ao Castelo de Pambre (Palas de Rei).

RUTA 37 (MONTERROSO, ANTAS DE ULLA): Visita á igrexa de Novelúa e área recreativa da Peneda (Monterroso), igrexa de Amoexa, San Xoan e Santa Mariña de Castro de Amarante (Antas de Ulla).

Lugo, a 18 de xuño de 2021. - O PRESIDENTE, P.D. Decreto de data 26-07-2019, O DEPUTADO DELEGADO DE PROMOCIÓN ECONÓMICA E SOCIAL, Pablo Rivera Capón.- A Secretaria Xeral, María Esther Álvarez Martínez.

R. 1885

CONCELLOS

FRIOL

Anuncio

Polo Pleno do Concello, en sesión ordinaria celebrada o día 24 de xuño de 2021, prestouse aprobación ao expediente de modificación de créditos número 6/2021, (cuarto de competencia do Pleno), para créditos extraordinarios e suplementos de crédito, dentro do vixente orzamento municipal, e por un importe de SETENTA E CINCO MIL EUROS (75.000,00.-), con cargo ao Remanente líquido de Tesourería dispoñible do exercicio anterior na data de aprobación deste expediente.